

亦宜舒池閣輕風裏園林晚景餘人生有此
樂何必較錙銖

高竹數十尺仍在高花上柴門晝不開青碧
日相向非止身休逸是亦心夷曠能知閑之
樂自可敵卿相

高竹逾冬青四月方易葉抽萌如止戈解箠
若脫甲脩靜信可愛逸行不知匪嗟哉凡草
木徒自費鋤錘

伊川擊壤集卷之一

伊川擊壤集卷之二

伊川 碑 雍堯夫

秋日飲鄭州宋園示管城簿周正叔

二都相去四百里中有名園屬宋家古木參
天羅劔戟長藤垂地走龍蛇我來遊日逢秋

抄君為開筵對晚花飲散竹軒微雨後殘
歸路起棲鴉

重陽日再到共城百源故居

故國逢佳節登臨但可悲山川一夢外風月
十年期白髮飄新鬢黃花遠舊籬鄉人應笑
我畫錦是男兒

過陝嘉祐三年

吾祖道何光二南分一方開周為太保封陝
輔成王歲月裝遠遶山川造渺茫世孫雖不
肖猶解憶甘棠

題黃河

誰言為利多于害我謂長潭未始清西至崑
崙東至海其間多少不平聲

過潼關

禁客因離亂機關為太平山河雖設險道德

豈容爭不究千一義空傳百二名遐方久無
外何復用鷄鳴

題華山

域中有五嶽國家謹時祀華嶽居其一作鎮
碑西裔唐號金天王今封順聖帝吁咈哉若
神借竊同天地

宿華清宮

天寶初六載作宮于溫泉明皇與妃子自此
歲幸焉紫閣清風裏紫閣皓月前奈何雙石
甕香溜尚涓涓

登朝元閣

緬嶺岌層巒岩堯十九盤微微經雨後香香
出雲端往事金輿遠遺蹤玉像殘至今臨渭
水依舊見長安

長安道中作

長安道上何沾中古時道行今時人不知寒
暑與朝暮車輪馬跡常轉轉自是此土亦辛
苦兩作泥兮風為塵泥塵返復不知數大雨
大風無出門

題留侯廟

滅項興劉如覆手絕秦昌漢若更秦卷舒天下坐壽日鍛鍊心源辟穀時黃石公傳皆是用赤松子伴更何為如君才業求其比今古相望不記誰

題淮陰侯廟十首

一身作亂宜從戮三族全夷似少恩漢道是時初雜霸蕭何王佐殆非尊

據立大功非不智復貪王爵似專惡造成四百年炎漢纔得安寧反受誅

生身既得逢真主立事何須作假王誰謂禍階從此始不宜迴首怨高皇

一時韓信為良犬千古蕭何作霸臣彼此並千名教罪罪猶不逮謂斯人

韓信事劉元不叛蕭何感漢竟生疑當初若聽蒯通語高祖功名未可知

雖則有才兼有智存亡進退處非真五湖依舊煙波在范蠡無人繼後塵

若非韓信難除項不得蕭何莫制韓天下須知無一手苟非高祖用蕭難

漢家基定議功勳異姓封王有五人不知淮

陰最雄傑敢教根固又生秦

韓信恃功前慮寡漢皇負德尚權安幽囚必欲擒來斬因要加諸甚不難

若履恭榮須暴辱既經多喜必多憂功成能讓封王印世世長為列土侯

鳳州郡樓上書所見

楊柳垂青帶風動如飛蓋危樓思不窮盡日閑相對鳥去林自空雲移山下礙情隨雙燕

還意與孤鴻會晚角特斷續層崖遮明晦殘陽掛疎紅遠水生微瀨寒日煙岑密都城若

天外如何久客心東望憑欄殺

自鳳州還至秦川驛寄守倅薛姚二君

歡聚九十日迴首都如夢明月與清江東軒又難共

謝西臺張元伯雪中送詩

洛城雪片大如手爐中無火罇無酒凌晨有人來打門言送西臺詩一首

送荷氏張主簿

人間仕宦幾千里堂上親闈別兩重須念鵬

飛從此始方今路險善求容

新正吟嘉祐五年

遽瓊知非日宣尼讀易年人情止于是天意豈徒然立事情尤倦思山興益堅誰能同此志相伴老伊川

春遊五首

五嶺梅花迎臘開三川正月賞寒梅相去萬里先一月始知春色從南來何人妙曲傳羌笛盡日清香落酒盃料得天涯未歸客也應臨此重徘徊

洛城春色浩無涯春色城東又復嘉風力緩搖千樹柳水光輕蕩半川花煙晴翡翠飛平岸日暖鶯鶯下淺沙不見君王西幸久遊人但感髮空華

二月方當爛漫時翠華未幸春無依綠楊陰裏尋芳遍紅杏香中帶醉歸數片落花蝴蝶趁一竿斜日流鶯啼清磬有酒憑親樂猶得堦前戲綠衣

人間佳節唯寒食天下名園重洛陽金谷暖橫官殿碧銅駝晴合綺羅光橋邊楊柳細垂

地花外鞦韆半出墻白馬蹄輕草如剪爛遊
於此十年強

三月牡丹方盛開鼓聲多處是亭臺車中遊
女自笑語樓下看人閑往來積翠波光搖帳
幄上陽花氣撲罇罍西都風氣所宜者草木
空妖誰復哀

竹庭睡起

竹庭睡起閑隱兀悠悠夏日光景長鶯方引
雛教嫩舌杏正垂實紫輕黃雨滴幽夢時斷
續風飄遠思還飛揚小渠弄水綠陰密迴首
又且數日強

秋遊六首

七月芙蓉正爛開東南園近日徘徊有時風
向池心過無限香從水面來卷畫溪深方誤
入洞庭湖晚未成迴坐來一霎蕭蕭雨又送
新涼到酒盃

先秋顛氣已潛生洛邑方知節候平庭院乍
涼人共喜園林經雨氣尤清迴舟伊水風微
溜緩響天津月正明自有臯夔分聖念好將
詩酒樂升平

八月光陰未甚淒松亭竹樹尤為宜況當晝
夜初停處正是炎涼得所時明月入懷如有
意好風迎面似相知關人歌詠自怡悅不管
朝廷不林詩

家住城南水竹涯乘秋行樂未嘗虧輕寒氣
候我自愛半醉光陰人莫知信馬天街微雨
後凭欄僧閣晚晴時十年美景追尋遍好向
風前請白髭

九月風光雖已暮中州景物未全衰眼觀秋
色千萬里手把黃花三兩枝美酒易消閑歲
月青銅休照老容儀若言必使他人信澀盡
丹誠誰肯知

霜天寥落思無窮不柰樓高過望中四面遠
山徒滿目九秋官殿自危空雲橫遠嶂千尋
直霞亂斜陽數縷紅無限傷情言不到共誰
開口向西風

秋日即事

鳥聲亂畫林為誰苦驅逼蟲聲亂夜庭為誰
苦勞役嗟哉彼何短一柴無休息借問此何
長兩能忘語默

商山道中作
十舍到商顏雖遙不甚艱東西遡洛水表裏
看秦山身在煙霞外心存人子間庭闈況非
遠自可指期還

和商洛章子厚長官早梅

只應玉母專輕巧剪碎天邊亂白雲無限清
香與清醞前飲享盡輸君

梅覆春溪水逸山梅花爛漫水潺湲南秦地
暖開仍早比至春初已數番
羣芳萬品逸相催若說高標獨有梅會得東
君無別意為憐清淺使先開

霜扶清格高高起風駕寒香遠遠留太守多
情客多感金鐔倒盡是良籌

商山旅中作

殘火昏燈夜正沉默思前事擁寒衾霜天皎
月雖千里不抵傷時一寸心

和商守宋郎中早梅

山南地似嶺南溫臘月梅開已淡辰耻與百
花爭俗態獨殊羣艷占先春角中飄去淒於
骨笛裏吹來妙入神秀頰粧殘黏素粉畫梁

歌暖起輕塵，宰君惜艷獻。州牧太守分香及，野人手把數枝重。疊疊忍教芳酒不濡脣。

和人放懷

為人雖未有前知，富貴功名豈力為。滌蕩襟懷須是酒，優游情思莫如詩。沈當水竹雲山地，忍負風花雪月期。男子雄圖存用捨，不問眉笑待何時。

和商守登樓看雪

西樓賞雪眼偏明，次第身疑在水晶。千片萬片巧粧地，半舞半飛斜犯楹。形如玉屑依還碎，體似楊花又更輕。誰謂天涯有羈客，一般對酒兩般情。

和商守西樓雪霽

大雪初晴日半曛，高樓何惜上仍頻。數峯青翠劍鉞立，一水縈紆水縷新。崑嶺移歸都是玉，天河落後盡成銀。幽人自恨無佳句，景物從來不負人。

和商守雪殘登樓

殘雪已消冰已開，風光漸覺擁樓臺。旅人未遂日邊春色，又從天上來。況是罇中常有

酒，豈堪嶺上却無梅。若非太守金蘭契，誰肯傾心重不才。

和商守雪霽對月

雪滿羣山霜滿庭，光寒月碾一輪輕。羈懷殊少，歸時樂皓彩空多。此夜明竹近，簾櫳鏡碎影風涵。臺榭有餘清，恨無好句酬佳景。徒自淒涼夢不成。

和商守雪霽登樓

百尺危樓小雪晴，晚來閉望逼人清。山橫暮靄高還下，水隔疎林淡復明。天際落霞千萬縷，風餘殘角兩三聲。此時此景真堪畫，只恐丹青筆未精。

林中歲除

此到明年無數刻，且令芳酒更斟迴。星杓建丑，晦將盡歲前射人春。又來不用物情鬧，作梗大都心緒已成灰。浮名更在浮雲外，瞬息光陰況便催。

和商守新歲嘉祐六年

衰軀在旅逢新歲，因感平生髮易凋。欲罷襟懷還寂寞，歡餘情緒却無聊。望仙風月晴偏

好，林綠簾攏夜正遙。對此塊然唯土木，降茲未始不魂銷。

追和王常侍登那樓望山

四賢當日此盤桓，千百年人尚厚顏。天下有名難避世，宵中無物漫居山。事觀今古興亡後，道在君臣進退間。若蘊奇才必奇用，不然須負一生閑。

題四皓廟四首

強秦失御血橫流，天下來君君不有。正是英雄較角一，作逐時未知鹿入何人手。灞上真人既已翔，四人相顧都無語。徐云天命自有歸，不若追蹤巢與許。漢皇傲物終難屈，太子早辭方肯出。雖老猶能成大功，至今高義如星日。田橫入海猶能得，商至長安百里強。能使四人成美節，始知高祖是真王。

依元韻

謝商守宋郎中寄到天柱山戶帖仍
商於飛到一符新，遂已平生分外親。尤喜紫芝先入手，西南天柱與天鄰。

(023) A B 24-6

初心本欲踐臣鄰帝里司迴斗柄春今日得
居天柱下不憂先有夜行人

不將生殺秦嚴寂却抱煙嵐學隱淪多謝史
君虛右席重延天柱一山人

一簇煙嵐鏃亂雲孤高天柱好棲真從今便
作西歸計免向人間更問津

無成糜鹿久同羣占籍恩深荷史君萬古千
今名與姓得隨天柱數峯存

寄商守宋郎中

初返洛城無限事開人體分似相違如今一
向覺優逸却類商顏嘯傲時

小圃睡起

門外似深山天真信可還軒裳奔走外日月
往來閒有水園亭活無風草木閑春禽破幽
夢枝上語綿蠻

遊山三首

城邑又作久居心自倦闌閣繞出眼先明龍
門看盡伊川景女兒聽殘洛水聲太室觀餘
紅日旭天壇望罷白雲生此身已許陪真侶
不為鎔鍊起重輕

春盡登臨正得宜人情天氣兩融怡泛舟伊
水風迴夜垂釣漢門月上時逸興劇憑詩放
肆病軀唯仰酒扶持淨生日月無多子忍向
其間更飲眉

樂則行之憂則違天都知命是男兒至微功
業人難必儘好雲山我自怡休憚煙嵐雖遠
處且乘筋力未衰時平生足外更何樂富貴
榮華過則悲

二色桃
施朱施粉色俱好傾國傾城說不同疑是蔡
珠雙姊妹一時俱肯嫁春風

登山臨水吟
山有喬峯水有濤未能容屐豈容舸非無仁
智斯為樂少有登臨不憚勞言味止知甘饒
笑語真誰是識瓊瑤自慙不盡人才處長恨
今人論太高

謝富丞相招出仕二首

相招多謝不相違將謂曾中有所施若違豈
能禁吏責既閑安用更名為將命者云知不
欲仕亦可奉款
名曰願同巢許稱臣日甘老唐虞比屋時滿

眼清賢在朝列病夫無以繫安危欲遂終焉
老閑計未知天意果如何幾重軒冕酬身貴
得似雲山到眼多好景未嘗無與詠壯心都
已入消磨鴉鴻自有江湖樂安用區區設網
羅

答人語名教

開闢而來世教敷其間雄者號真儒修身有
道名先覺何代無人達與區煥若丹青經史
義明如日月聖人途鯁生涵泳雖云久天下
英才敢厚誣

送王伯初學士赴北京機宜

丈夫志氣蓋棺定自有雄圖擊重輕去路不
能無感舊到官爭忍便忘情閑時語話貴精
密先事經營在太平誰謂禦戎無上策伐人
謀處不須兵

伊川擊壤集卷之二